

մինչեւ տնօրինեսցեն զարժանն եւ ծանուցեն ինքեանց , զի հանգիցեն ժողովուրդք սակաւ ինչ . յայս գիր ձեռքնարկեալ կնքեցին նա ինքն Կարապետ Պատրիարք և 15 գըլխաւոր Ամիրայք , (1830 . յ30 Հոկտեմբերի) :

Գ Լ Ո Ւ Խ Ծ Ս .

Այլադդի դռնապանք Ս . Յարութեան : Կալուածք վանօրէից : Ատելութիւն Յունաց 'ի Բեթղէհէմ : Զաքարիա վարդապետ Փոխանորդ յԵրուսաղէմ : Ուղեւորիկ նորին յԵջիածին : Բանալի երկաթեայ դրան Բեթղէհէմի : Շինութիւն Վերնատան . Վարժարան , Տպարան , երկրաշարժ , այլովքն հանդերձ :

ՍՅԼԱԶԳԻ դռնապանք Տաճարին Ս . Յարութեան զմի փեղկն արտաքին դրան միայն բանային . զայս սահման եղեալ էր նա ինքն Սալահատտին 'ի նախատինս Քրիստոնէից 'ի տիրել նորին Երուսաղէմի , որպէս ասեն 'ի ժամանակս ուխտաւորաց և յաւուրս հանգիսի Տօնից չմնային ժողովուրդք զերծ 'ի վտանգէ յելանելն եւ 'ի մտանելն անդ՝ մանաւանդ կանայք և մանկունք , որոյ վասն Հայք եւ Յոյնք ետուն դրել 'ի ձեռն Դատաւորի քաղաքին 'ի Դուռն , զի հրամանաւ Արքայի բացցեն երկու փեղկ դրան 'ի կարեւոր ժամանակս (1831) : Սակայն ոչ ժամանեաց այն հրաման , մինչեւ տիրեաց Պաղեստինոյ Փոխ Արքայն Եգիպտոսի Մէհէմմէտ Ալի , և որդի նորա Իսրահիմ Փաշա ետ բանալ զայն : Սուլթան Սէլիմ առաջին 'ի տիրելն Երուսաղէմի սահմանեալ էր , զի իւրաքանչիւր ուխտաւոր 'ի մտանելն 'ի Ս . Յարութիւն տացէ մի փարայ այլադդի դռնապանաց . իսկ ոմանք Արքունի գործակալաց հնարիւք հանեալ հրովարտակ յափշտակեցին զպաշտօն դռնապանութեան , և պահանջին աւելի քան զսահմանեալն , եւ բռնացեալ 'ի վերայ վանօրէից՝ խնդրէին զպէսպէս պարգեւս , և բարձաւ այս \ ֆ \ Ն , 'ի \ Ծ Մուհարրէմի հրովարտակաւ : Եւ յետ այսորիկ ընկալան զպաշտօն դռնապանութեան վերատեսուչք կալուածոց Խասեքի Սուլթանի՝ և այլադդի գիտնականք որք ընթեռնուին զկուրանն 'ի